



Broj: 05/2-50-15-28-15/22  
Sarajevo, 20. 4. 2022.

## Z A P I S N I K

### 15. sjednice Odbora za žalbe građana na rad policijskih službenika u policijskim tijelima Bosne i Hercegovine

Sjednica je održana 20. 4. 2022, s početkom u 17 sati.

**Prisutni članovi Odbora za žalbe građana Parlamentarne skupštine BiH:** Boris Buha, Vjekoslav Vuković, prvi zamjenik predsjednika, Semir Šut, drugi zamjenik predsjednika, Tihomir Marinčić, Hana Korać i Miroslav Janjić.

**Odsutni članovi Odbora za žalbe građana Parlamentarne skupštine BiH:** Merima Šenderović.

**Ostali prisutni:** Željko Divčić iz Granične policije BiH, Milan Debelnogić i Admir Tatlić iz DKPT-a, te Alma Tajić-Kurto, sekretarka Odbora za žalbe građana Parlamentarne skupštine BiH.

Sjednicu je sazvao i njome predsjedavao Boris Buha, predsjednik Odbora za žalbe građana.

Za sjednicu predložen sljedeći

## D N E V N I R E D

1. Usvajanje Zapisnika 14. sjednice Odbora za žalbe građana Parlamentarne skupštine BiH;
2. Razmatranje žalbe na rad policijskih službenika Direkcije za koordinaciju policijskih tijela BiH, broj: 05/2-50-17-2187/21 od 15. 12. 2021. i Izvještaj Direkcije za koordinaciju policijskih tijela BiH o provedenom internom postupku, broj: 20-02-07-4-2275-3/21 od 14. 3. 2022,
3. Razmatranje žalbi na rad policijskih službenika Granične policije BiH:
  - a) žalba broj: 05/2-50-17-65/22 od 6. 1. 2022. i Izvještaj Granične policije BiH o izvršenim preliminarim provjerama, broj: 17-07-34-7-91/22 od 14. 3. 2022,
  - b) žalba broj: 05/2-50-17-148/22 od 28. 1. 2022. i Izvještaj Granične policije BiH o izvršenim preliminarim provjerama, broj: 17-07-34-7-709/22 od 9. 3. 2022,
4. Informacija Državne agencije za istrage i zaštitu, broj: 16-08-34-3-4730-22/19 od 21. 3. 2022, o suspenziji policijskog službenika (Zaključak Odbora, broj: 05/2-50-15-28-72,3/19 od 12. 12. 2019);
5. Tekuća pitanja.

Dnevni red usvojen je jednoglasno, bez dodatnih dopuna.

### Ad. 1. Usvajanje Zapisnika 14. sjednice Odbora za žalbe građana Parlamentarne skupštine BiH

Zapisnik 13. sjednice Odbora za žalbe građana Parlamentarne skupštine BiH usvojen je jednoglasno, bez primjedbi.

**Ad. 2. Razmatranje žalbe na rad policijskih službenika Direkcije za koordinaciju policijskih tijela BiH, broj: 05/2-50-17-2187/21 od 15. 12. 2021. i Izvještaj Direkcije za koordinaciju policijskih tijela BiH o provedenom internom postupku, broj: 20-02-07-4-2275-3/21 od 14. 3. 2022.**

Izjavitelj za ovaj predmet bio je Tihomir Marinčić, koji je prezentirao činjenice iz spisa.

Nakon rasprave, Odbor za žalbe građana Parlamentarne skupštine BiH usvojio je Izvještaj Direkcije za koordinaciju policijskih tijela BiH o provedenom internom postupku, broj: 20-02-07-4-2275-3/21 od 14. 3. 2022.

Kako je u ovom **predmetu** utvrđeno da je bilo kršenja službene dužnosti u postupanju policijskog službenika Direkcije za koordinaciju policijskih tijela BiH, kako je to i konstatirano u izvještaju Direkcije za koordinaciju policijskih tijela BiH, te da je protiv odgovorne osobe iz ovog predmeta upućen prijedlog za pokretanje disciplinskog postupka, Odbor za žalbe građana obavezuje Direkciju za koordinaciju policijskih tijela BiH da ga, po okončanju postupka, obavijesti o njegovom ishodu.

Informacija o ishodu disciplinskog postupka obavezno mora sadržavati i podatke o vrsti i visini disciplinske sankcije, ako je ona izrečena.

**Ad. 3. Razmatranje žalbi na rad policijskih službenika Granične policije BiH:**

- a) žalba broj: 05/2-50-17-65/22 od 6. 1. 2022. i Izvještaj Granične policije BiH o izvršenim preliminarnim provjerama, broj: 17-07-34-7-91/22 od 14. 3. 2022,
- b) žalba broj: 05/2-50-17-148/22 od 28. 1. 2022. i Izvještaj Granične policije BiH o izvršenim preliminarnim provjerama, broj: 17-07-34-7-709/22 od 9. 3. 2022.

U okviru ove tačke dnevnog reda Odbor za žalbe građana razmatrao je dvije žalbe na rad i postupanje policijskih službenika Granične policije BiH i izvještaje o izvršenim preliminarnim provjerama.

U toku rasprave izjavitelj za predmete pod a) bila je Hana Korać dok je za predmet pod tačkom b) izjavitelj bio Boris Buha.

Nakon rasprave, Odbor za žalbe građana Parlamentarne skupštine BiH usvojio je izvještaje Granične policije BiH povodom predmeta u okviru ove tačke dnevnog reda, te zaključio da u postupanju policijskih službenika Granične policije BiH i nadležnih tijela u ovim predmetima nisu utvrđene nepravilnosti niti povrede relevantnih zakona.

**Ad. 4. Informacija Državne agencije za istrage i zaštitu, broj: 16-08-34-3-4730-22/19 od 21. 3. 2022, o suspenziji policijskog službenika (Zaključak Odbora, broj: 05/2-50-15-28-72,3/19 od 12. 12. 2019)**

Odbor za žalbe građana primio je k znanju navedenu informaciju Državne agencije za istrage i zaštitu.

## **Ad. 5. Tekuća pitanja**

U okviru ove tačke dnevnog reda članovi Odbora za žalbe građana razmatrali su termine za održavanje 16. sjednice, te termine za posjete Graničnoj policiji BiH.

Sjednica je završena u 17.35 sati.

Sekretarka  
Odbora za žalbe građana  
Alma Tajić-Kurto

Predsjednik  
Odbora za žalbe građana  
Boris Buha